



The Planning Inspectorate  
Yr Arolygiaeth Gynllunio

## **Prosiect Pŵer Carbon Isel Cei Connah – EN010166**

**Uniper UK Limited**

**Cyngor Adran 51 ynglŷn â dogfennau cais drafft**

**Cyhoeddwyd ar 25 Chwefror 2025**

Ar 13 Ionawr 2025, cyflwynodd Uniper UK Limited ('yr ymgeisydd') y dogfennau drafft a restrir yn y tablau isod i'w hadolygu gan yr Arolygiaeth Gynllunio yn rhan o'i [Gwasanaeth Cyn-ymgeisio](#).

Mae'r cyngor a gofnodir yn y tablau isod yn ymwneud yn unig â materion a godwyd o adolygiad yr Arolygiaeth Gynllunio o'r dogfennau cais drafft. Mae'r cyngor wedi'i gyfyngu gan aeddfedrwydd y dogfennau a ddarparwyd gan yr ymgeisydd a'r amser a oedd ar gael i'w hystyried, ac fe'i rhoddir heb ragfarnu'r penderfyniad ynglŷn â derbyn, y penderfyniad ynglŷn â derbyn ar gyfer y Weithdrefn Garlam (lle y bo'n berthnasol) na'r penderfyniad terfynol ynglŷn â ph'un a ddylid rhoi cydsyniad datblygu. Mae'r ymgeisydd wedi cael cyfle i wneud sylwadau ar gofnod cyngor drafft yr Arolygiaeth cyn iddo gael ei gyhoeddi.

## Cyffredinol

| Rhif Cyf. | Sylw neu gwestiwn                                                                                                                                                                                                                                                                                                                                        |
|-----------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.        | Ysgrifennwyd y Gorchymyn Cydsyniad Datblygu drafft (dDCO) yn unol â Rheoliadau Cynllunio Seilwaith (Ceisiadau: Ffurflenni a Gweithdrefn Ragnodedig) 2009. Gan fod ymgynghoriad statudol wedi dechrau ar ôl 30 Ebrill 2024, dylai'r ymgeisydd ystyried p'un a yw Rheoliadau Cynllunio Seilwaith (Darpariaethau Amrywiol) 2024 yn berthnasol yn lle hynny. |

## Gorchymyn Cydsyniad Datblygu (DCO) drafft a Memorandwm Esboniadol (EM) drafft

| Rhif Cyf. | Erthygl / Atodlen / Gofyniad | Sylw neu gwestiwn                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
|-----------|------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.        | <b>Amrywiol</b>              | Mae'r term "effeithiau amgylcheddol sylweddol newydd neu sylweddol wahanol..." yn cael ei ddefnyddio'n anghyson. Ar gyfer Erthygl 2, Erthygl 6(2) a Gofyniad 17(2), fe'i defnyddir fel yr uchod. Fodd bynnag, yn Atodlen 2 Rhan 1 (dehongliadau), defnyddir y term "effeithiau amgylcheddol <b>arwyddocaol</b> sylweddol newydd neu sylweddol wahanol..." (pwyslais yr Arolygiaeth). Mae'n debygol y bydd yr Awdurdod Archwilio (ExA) eisiau esboniad o'r gwahaniaeth o ran defnydd ac mae'n debygol iawn y bydd eisiau diffinio beth yw ystyr "arwyddocaol" yn y cyd-destun hwn. Dylai'r term fod yn gyson yn y DCO drwyddo draw. Dylai'r ymgeisydd ystyried p'un ai defnyddio "sylweddol newydd neu sylweddol waeth..." yn lle hynny, gan fod hyn yn rhoi hyblygrwydd i'r ymgeisydd wneud diwygiadau yn ogystal â darparu rhywbeth "gwahanol" sy'n gwella'r cynllun. |
| 2.        | <b>Erthygl 8(3)(d)</b>       | Mae'r pŵer yn caniatáu i'r ymgymwrwr drosglwyddo budd y Gorchymyn heb gydsyniad yr Ysgrifennydd Gwladol lle mae'r trosglwyddai "yn gwmni cofrestredig sy'n aelod o Grŵp Uniper". Nid yw'r EM yn esbonio'r angen am y pŵer penodol hwn ac, os caiff ei dderbyn i'w Archwilio, mae'n debygol y bydd yr ExA eisiau archwilio pwy yw'r cwmnïau eraill hyn a ph'un a ydynt yn ddeiliaid priodol a chyfreithlon y Gorchymyn hwn. Mae'r Arolygiaeth yn argymhell bod hyn yn cael ei esbonio yn yr EM neu ei ddileu.                                                                                                                                                                                                                                                                                                                                                           |

## Gorchymyn Cydsyniad Datblygu (DCO) drafft a Memorandwm Esboniadol (EM) drafft

| Rhif Cyf. | Erthygl / Atodlen / Gofyniad | Sylw neu gwestiwn                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
|-----------|------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 3.        | <b>Amrywiol</b>              | Mae Erthyglau 16(1), (3) a (5) ac Erthygl 17(5) yn defnyddio'r geiriau "cau dros dro" yn gysylltiedig â strydoedd ac ati. Dylai'r ymgeisydd ystyried p'un a fyddai'n fwy priodol diwygio hyn i 'gau' / 'cyfyngu' dros dro ac, os felly i ba ddefnyddwyr.                                                                                                                                                                                                                                                                                                                                                                                                                                                                                                                                                                                                                                                          |
| 4.        | <b>Erthygl 36(8)</b>         | Mae'r pŵer hwn yn atal yr ymgymwrwr rhag caffael unrhyw ran o'r tir a amlygwyd ar gyfer meddiant dros dro yn orfodol "ac eithrio nid yw'r ymgymwrwr yn cael ei atal rhag caffael hawliau newydd dros unrhyw ran o'r tir o dan Erthygl 28". Nid yw'r EM yn esbonio'r angen am y geiriad ychwanegol hwn na'r rhesymeg drosto, ac os caiff ei dderbyn i'w Archwilio, mae'n bosibl y bydd unrhyw ExA eisiau archwilio p'un a yw'r Ymgeisydd yn ceisio caniatáu pwerau i'w hun gaffael tir a amlygwyd ar gyfer meddiant dros dro yn orfodol, a pham. Gallai'r geiriad presennol arwain at ansicrwydd a dryswch i'r rhai y mae pwerau o'r fath yn effeithio arnynt. Dylai'r Erthygl atal tir pwerau meddiant dros dro rhag cael ei gaffael. Os oes tir a allai fod yn angenrheidiol ar gyfer hawliau newydd o dan Erthygl 28, dylai'r rhain gael eu hamlygu'n benodol a'u heithrio. Bydd angen esboniad yn yr EM wedyn. |
| 5.        | <b>Atodlen 1</b>             | Nid yw Gwaith Rhif 2(a) yn dangos hyd y biblinell nwy pwysedd uchel arfaethedig.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
| 6.        | <b>Gofyniad 22(2)(c)</b>     | Ni ddylai unrhyw Orchymyn osod na chyfarwyddo terfynau amser ar yr Ysgrifennydd Gwladol. Dylid dileu'r term "28 niwrnod" a'i ddisodli â "cyn gynted ag y bo'n ymarferol bosibl/cyn gynted ag y bo'n ymarferol".                                                                                                                                                                                                                                                                                                                                                                                                                                                                                                                                                                                                                                                                                                   |
| 7.        | <b>Atodlen 11</b>            | Dylai'r EM esbonio'n fanylach statws darpariaethau amddiffynnol a lle y ceir anghydfodau â'r ymgymwrwr statudol a enwyd. Os caiff ei dderbyn i'w Archwilio, mae'n debygol y bydd yr ExA yn ceisio adroddiad cynnar ar gynnydd ac esboniadau ynghylch pam nad yw darpariaethau amddiffynnol wedi'u cwblhau. Os bydd anghydfodau, mae'n debygol y bydd yr ExA yn gofyn am dystiolaeth o achosion lle y defnyddiwyd (neu na ddefnyddiwyd) y geiriad sy'n destun anghydfod mewn Gorchmynion eraill ac esboniad ynghylch pam, os yw'n berthnasol, mae darpariaethau amddiffynnol yn gwyro oddi wrth y Gorchmynion hynny a wnaed.                                                                                                                                                                                                                                                                                       |

### Datganiad o'r Rhesymau (SoR) drafft

| Rhif Cyf. | Paragraff / Adran       | Sylw neu gwestiwn                                                                                                                                                                                                                                    |
|-----------|-------------------------|------------------------------------------------------------------------------------------------------------------------------------------------------------------------------------------------------------------------------------------------------|
| 1.        | <b>Dewisiadau Amgen</b> | Dim ond y dewis amgen 'Gwneud Dim Byd' a drafodir gan gyfeirio at NPS EN-1. Trafodir yr holl ddewisiadau amgen eraill yn y Datganiad Amgylcheddol, Cyfrol 2, Pennod 6: Dewisiadau Amgen y Prosiect – na chyflwynwyd fel Dogfen Ddrafft i'w hadolygu. |

### Adroddiad Ymgynghori drafft, gan gynnwys rhestr ymgynghoreion adran 42

| Rhif Cyf. | Paragraff / Adran                                  | Sylw neu gwestiwn                                                                                                                                                                                                                                                                                                                                                    |
|-----------|----------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.        | <b>Cyffredinol</b>                                 | Roedd yr Adroddiad Ymgynghori drafft yn anghyflawn ac, fel y cyfryw, nid oedd gan yr Arolygiaeth unrhyw arsylwadau manwl i'w gwneud ar y wybodaeth a gyflwynwyd. Fodd bynnag, rhoddir rhywfaint o gyngor generig isod (gweler y <a href="#">tudalennau cyngor</a> cyhoeddedig am ragor o wybodaeth).                                                                 |
| 2.        | <b>Cydymffurfio â Gofynion Ymgynghori Statudol</b> | <ul style="list-style-type: none"><li>Sicrhewch fod cydymffurfedd ag Adrannau 42 (dyletswydd i ymgynghori), 47 (dyletswydd i ymgynghori â'r gymuned leol), a 48 (dyletswydd i roi cyhoeddusrwydd) yn cael ei ddangos yn llawn.</li><li>Amlinellwch yn glir sut mae gweithgareddau ymgynghori'n cyd-fynd â Deddf Cynllunio 2008 a chanllawiau cysylltiedig.</li></ul> |

## Adroddiad Ymgynghori drafft, gan gynnwys rhestr ymgynghoreion adran 42

| Rhif Cyf. | Paragraff / Adran                                      | Sylw neu gwestiwn                                                                                                                                                                                                                                                                                                                                                                                                                                                                                                                                                                                                                              |
|-----------|--------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 3.        | <b>Digonolrwydd Deunyddiau a Dulliau Ymgynghori</b>    | <ul style="list-style-type: none"> <li>Darparwch fwy o fanylion am sut y paratowyd deunyddiau ymgynghori, sut y sicrhawyd eu bod ar gael, a sut y'u haddaswyd ar gyfer hygyrchedd.</li> <li>Dylech asesu effeithiolrwydd dulliau ymgynghori ac unrhyw addasiadau a wnaed i wella ymgysylltiad.</li> </ul>                                                                                                                                                                                                                                                                                                                                      |
| 4.        | <b>Tystiolaeth o Ymgynghori a'r Ymatebion a Gafwyd</b> | <ul style="list-style-type: none"> <li>Sicrhewch fod cofnod clir o ymatebion ymgynghori, wedi'u categorio yn ôl ymgynghoreion statudol, awdurdodau lleol, grwpiau cymunedol, a'r cyhoedd.</li> <li>Dylech gryfhau'r esboniad o sut yr ystyriwyd adborth a sut y dylanwadodd ar ddatblygu'r prosiect.</li> <li>Dangoswch fod adborth ymgynghori wedi cael ei ystyried.</li> <li>Ymhelaethwch ar sut y dadansoddwyd ac y crynhowyd ymatebion, gan sicrhau llwybr archwilio clir.</li> <li>Rhowch enghreifftiau penodol o newidiadau a wnaed i'r prosiect i ymateb i adborth ymgynghori neu gyfiawnhad lle na wnaed unrhyw newidiadau.</li> </ul> |
| 5.        | <b>Eglurder a Strwythur yr Adroddiad</b>               | <ul style="list-style-type: none"> <li>Dylech wella'r strwythur i sicrhau eglurder a rhwyddineb cyfeirio, gan groesgyfeirio i dystiolaeth ategol.</li> <li>Dylech gynnwys crynodeb gweithredol cryf sy'n amlygu themâu allweddol, adborth a gafwyd, ac addasiadau a wnaed i'r prosiect.</li> </ul>                                                                                                                                                                                                                                                                                                                                             |
| 6.        | <b>Ymgysylltiad Parhaus</b>                            | <ul style="list-style-type: none"> <li>Dylech amlinellu'n glir unrhyw weithgareddau ymgynghori neu ymgysylltu ychwanegol a gynlluniwyd cyn cyflwyno'r cais.</li> <li>Sicrhewch fod yr adroddiad yn dangos proses ymgynghori a gwblhawyd yn llawn, gan fynd i'r afael ag unrhyw fylchau sy'n weddill cyn cyflwyno.</li> </ul>                                                                                                                                                                                                                                                                                                                   |

## Cynllun Tir enghreifftiol drafft

| Rhif Cyf. | Enw a Chyfeirnod y Cynllun              | Sylw neu gwestiwn                                                                                                                                                                                                                                                                                                                                                                                                                 |
|-----------|-----------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.        | <b>Cyffredinol</b>                      | Roedd y Cynllun Tir drafft yn anghyflawn ac ni chyflwynwyd unrhyw gynlluniau eraill i'w hadolygu. Fel y cyfryw, nid oedd gan yr Arolygiaeth unrhyw arsylwadau manwl i'w gwneud ar y wybodaeth a gyflwynwyd. Fodd bynnag, rhoddir rhywfaint o gyngor generig ynglŷn â chynlluniau isod (gweler y <a href="#">tudalennau cyngor</a> cyhoeddedig am ragor o wybodaeth) i helpu i gwblhau'r dogfennau'n derfynol cyn cyflwyno'r cais. |
| 2.        | <b>Cydymffurfio â Gofynion Statudol</b> | <ul style="list-style-type: none"><li>Sicrhewch fod yr holl gynlluniau'n cydymffurfio â deddfwriaeth a'u bod o ansawdd uchel ac yn ddarllenadwy fel y gellir eu dehongli'n rhwydd gan randdeiliaid.</li><li>Sicrhewch gysondeb â'r Llyfr Cyfeirio a dogfennau cais eraill (fel y dDCO a'r Datganiad o'r Rhesymau).</li></ul>                                                                                                      |
| 3.        | <b>Cywirdeb ac Eglurder Mapio</b>       | <ul style="list-style-type: none"><li>Dylai cynlluniau sylfaenol ddefnyddio mapiau cyfredol yr Arolwg Ordnans wrth raddfa briodol (1:2500 mewn ardaloedd gwledig ac 1:1250 mewn ardaloedd trefol, yn nodweddiadol).</li><li>Defnyddiwch esboniad ac allwedd safonedig i wahaniaethu gwahanol gategoriau tir (e.e., caffael gorfodol, meddiant dros dro, hawliau).</li></ul>                                                       |